

Yuav pib siv cov Common Core State Standards rau cov tsev kawm ntawv hauv lub EGUSD!

Pib xyoo kawm 2013-2014 mus, lub Elk Grove Unified School District yuav siv cov Common Core State Standards (CCSS) los qhia rau txhua qib. Cov qauv kev qhia ntawv uas siv thoob tebchaws, uas lub Xeev Kalifonias tau koj los siv, yog ib cov qauv tshiab uas muaj kev hloov ntau nyob rau hauv txoj kev qhia ntawv ntawm nees-ncaum tawm lub xyoos los no. Nws yog ib txoj kev hloov uas zoo. Dua li qhov uas nws yog ib tus qauv uas luag siv los qhia thoob tebchaws lawm, CCSS tseem yuav yog ib yam uas sibzog rau txoj kev yuav los npaj cov menyuam kawm ntawv kom txawj thiab paub txog tej yam uas yuav siv tau los sibtw rau hauv cov kev lagluam tiam 21st.

Cov kev qhia hauv qab no yog xa tuaj qhia kom koj paub mentsis txog cov qauv CCSS thiab paub tias nws muaj dabtsi hloov nyob rau hauv. Peb tseem yuav xa cov kev qhia ntxiv tuaj rau cov niamtxiv li ob peb lub hlis tomntej no.

Cov qauv Common Core State Standards yog dabtsi?

Cov qauv CCSS yog ib cov qauv kev qhia ntawv tshiab uas meej thiab zoo sib xws uas luag yuav siv los qhia hauv txhua lub xeev. Xyoo 2010, lub California State Board of Education tau txais yuav cov qauv no thiab ntxiv qee yam uas tseemceeb rau Kalifonias rau. Cov qauv uas siv los qhia qib kindergarten txog 12th no yuav npaj cov menyuam kawm ntawv kom txawj thiab paub thiab npaj txhij rau kev yuav mus kawm college thiab mus ua haujlwm tomqab kawm tas high school lawm. Cov qauv no yog luag mus tshawb nrhiav thiab rho los ntawm tej qauv zoo uas neeg siv thoob ntiajteb los.

Cov qauv kev qhia tshiab no yuav qhia txog Kev Siv Lus Askiv (English Language Arts) (ELA) thiab lej, thiab ELA uas suav cov qauv kev qhia txog science thiab keebkwm/neeg kev vammeej. Cov qauv no yuav qhia txog cov tswvyim thiab kev txawj uas txhua tus menyuam tsimnyog kawm. Xyoo dhau los no, cov xibfwb qhia ntawv hauv lub EGUSD tau kawm thiab npaj ib lub xyoos nkaus txog txoj kev uas yuav los qhia cov qauv tshiab no rau koj cov menyuam.

Lub EGUSD yuav pib qhia cov qauv Common Core State Standards licas?

Lub Elk Grove Unified School District yuav sibzog kom txoj kev hloov los qhia cov qauv CCSS mus zoo li uas zoo tau rau cov menyuam kawm ntawv thiab cov xibfwb qhia ntawv. Vim li no, lub District thiaj xaiv los ua ob xyoos hloov xwv sawvdaws thiaj muaj sijhawm txaus rau txoj kev hloov no.

Lub EGUSD yuav pib siv cov qauv CCSS los qhia cov kawm elementary schools rau xyoo no uas yog pib qhia lej rau cov kawm qib K-2 thiab ELA rau cov kawm qib 3-6. Xyoo kawm 2013-2014, yuav ntxiv ELA rau cov kawm qib K-2 thiab lej rau cov kawm qib 3-6 hauv elementary schools.

Xyoo kawm 2013-2014, yuav pib qhia cov qauv CCSS uas yog lej thiab ELA (uas suav cov qauv kev qhia txog science thiab keebkwm/neeg kev vammeej) rau txhua qib hauv middle thiab high schools.

Cov kev qhia hauv qab no yog xa tuaj qhia kom cov niamtxiv paub mentsis txog cov kev hloov uas yuav muaj thaum peb los pib qhia cov qauv CCSS.

Cov Kev Hloov Loj hauv Kev Qhia Lej

Cov menyuam kawm ntawv yuav:

- Siv sijhawm ntau dua los kawm txog tsawg dua lub tswvyim
- Kawm txog kev daws teebmeem (ua lej) uas siv ntau txoj kev
- Totaub, sib tham thiab muab puavpheej los qhia tias yog vim licas qhov lej thiaj yog
- Siv lej los daws tej teebmeem uas sawvdaws muaj
- Txawj siv cov qauv kev siv lej los daws tau tej teebmeem sai

Cov Kev Hloov Loj hauv Kev Siv Lus Askiv

Cov menyuam kawm ntawv yuav:

- Nyeem ntau txog tej yam uas muaj tseeb
- Totaub txog tias luag teev tej yam kev uas muaj tseeb licas
- Nrhiav puavpheej los txhawb qhov lawv ntseeg tias yog
- Los txiavtxim siab thiab nrhiav kev los txhawb lawv txoj kev txiavtxim siab uas yog teev (taw) txog tej yam kev qhia uas luag tau teev tseg txog yam ntawd
- Sau thiab siv puavpheej los txhawb tias yog vim licas koj thiaj xav tias muaj li ntawd
- Siv duab/ntaub ntawv los ua puavpheej, txhawb koj cov lus thiab qhia rau sawvdaws

Cov qauv CCSS yuav cuamtshuam rau Kalifonias tus Standardized Tests licas?

Kalifonias txoj kev tshuaj kev kawm nceqib (kev xeem) tamsim no, uas yog tus Standardized Testing and Reporting (STAR), uas muaj dua ib lub npe hu ua California Standards Test lossis CSTs, uas yog xeem raws cov qauv kev kawm yav tas los. Kalifonias tus Thawj Saib Phab Kev Qhia Ntawv (California's Superintendent of Public Instruction) Tom Torlakson tau nquahu kom

siv ib txoj kev xeeb rau lub xeev uas mus raws li cov qauv qhia hauv CCSS tsis pub dhau lub caij nplooj ntoos hlav xyoo 2015.

Txoj kev xeeb no yuav hloov ntawm kev siv ntawv thiab xom los xeeb mus rau kev siv computer los xeeb pib xyoo kawm 2014–15 mus. Txoj kev xeeb tshiab no yog tsim kom mus raws li tsoomfwv qibsiab thiab lub xeev cov qauv thiab kev samfwm thiab yuav qhia tau meej thiab sai rau cov xibfwv qhia ntawv thiab cov niamtxiv tias tej tus menyuam kawm ntawv kawm tau thiab paub txog theem twg lawm.

Nyob rau hauv lub Xeev txoj kev nquahu no yuav xaus txoj kev xeeb tus STAR pib lub caij nplooj ntoos hlav xyoo 2014 mus, tshwj cov kev xeeb uas raug samfwm los ntawm tsoomfwv qibsiab tsab kevcai Elementary and Secondary Education Act (ESEA) lossis siv rau Early Assessment Program (EAP). Qhov no yuav xaus txoj kev xeeb tus STAR rau cov kawm qib ob thiab kev xeeb thaum kawm tas ib hoob nyob rau hauv high-school.

Lub sijhawm no mus rau thaum sawvdaws txais yuav thiab pib siv tus Thawj Saib Phab Kev Kawm Torlakson txoj kev nquahu, cov school districts thoo plaws hauv Kalifonias yuav raug suav tias tabtom nyob theem uas hloov mus rau yam tshiab. Lub Elk Grove Unified xav tias txoj kev xeeb thaum lub caij nplooj ntoos hlav xyoo 2013 ntawm cov menyuam uas kawm elementary hauv lub District yuav pom txog tej uas lawv kawm tau hauv cov qauv CCSS uas tau coj los qhia rau xyoo kawm 2012-2013 no. Nws tseemceeb uas cov niamtxiv yuav tau paub tias lub sijhawm uas peb tabtom hloov no, cov qhab-nees xeeb tus STAR, uas yuav tawm thaum lub Yim Hli yuav los no, yuav qhia tsis tau tagrho txog tus menyuam txoj kev kawm nceqib lossis qhov nws kawm tau.

Cov niamtxiv yuav mus nyeem ntxiv tau txog cov qauv CCSS qhov twg

Lub EGUSD qhov CCSS website muaj kev qhia ntxiv thiab kev txuas mus rau lwm qhov rau cov niamtxiv hauv <http://blogs.egusd.net/ccss/>. Yog koj muaj lus nug txog CCSS tshwjxeeb yog hais txog koj tus menyuam, thov hu rau koj tus menyuam tus xibfwv qhia ntawv.